

UGOVOR

Nadzor nad izvođenjem radova na projektu „Nadzora nad izvođenjem radova na projektu „Izgradnja zelene tržnice“ u općini Kupres

Ovaj UGOVOR zaključen je 30.08.2017 godine između:

1. „EDI – ING“ d.o.o. Donji Vakuf, ul. 705 Slavne brdske brigade br. 13, Donji Vakuf,
koga zastupa direktor Fatima Karadža (u daljem tekstu „Pružalac usluga“)

i

2. Sarajevske regionalne razvojne agencije SERDA Kolodvorska 6, 71000 Sarajevo,
koju zastupa direktor Ševkija Okerić (u daljem tekstu „Ugovorni organ“)

Ugovorne strane se ovim slažu kako slijedi:

1. Stupanje na snagu ugovora Ovaj ugovor potpisan od obje ugovorne strane stupa na snagu kada Ugovorni organ pismeno obavjesti Pružaoca usluga da uvede Izvođača u posao.

2. Usluge

- (i) Pružalac usluga će obaviti usluge navedene u Aneksu A, “Opis poslova i zadataka”, što čini integralni dio ovog Ugovora.
- (ii) Pružalac usluga će obezbjediti osoblje navedeno u Aneksu B, „Osoblje Pružaoca usluga“, koje će obavljati te usluge, a što čini integralni dio ovog Ugovora.
- (iii) Pružalac usluga će dostaviti Ugovornom organu izvještaje u okviru vremenskih perioda navedenih u Aneksu C, “Obaveze izvještavanja Pružaoca usluga“, a što čini integralni dio ovog Ugovora.

3. Rok Pružalac usluga će obaviti usluge u skladu sa dinamikom izvođenja radova po UGOVORU za radove br. RBDP/3/PCW-75/KU. Predviđeno vrijeme izvođenja radova je 90 (devedeset) kalendarskih dana.

4. Cijena i Raspored Plaćanja A. Iznos za plaćanje

Ugovorenu cijenu čine usluge Nadzora nad izvođenjem radova na projektu „Izgradnja zelene tržnice“ u općini Kupres, bez uračunatog PDV-a 3.000,00 KM (slovima: trihiljade KM), a sa PDV-om 3.510,00 KM (slovima: trihiljadepetstotinadeset KM).

Ovaj iznos zasnovan je na osnovu razumijevanja da uključuje sve troškove i dobiti Pružaocu usluga kao i svaku poreznu obavezu proisteklu iz ovog Ugovora.

B. Raspored plaćanja

Plaćanje ukupno ugovorenog iznosa će se izvršiti prema slijedećoj dinamici:

- 50% vrijednosti ugovora bit će plaćeno nakon podnošenja Izvještaja o izvršenju ne manje od 50 % radova predviđenih ugovorom za radove br. RBDP/3/PCW-62/RA
- 50% vrijednosti ugovora bit će plaćeno nakon podnošenja Konačnog izvještaja o izvršenim radovima.

C. Uslovi plaćanja

Isplata će biti izvršena u lokalnoj valuti, KM, najkasnije 15 dana po dostavljenoj fakturi Pružaoca usluga, Koordinatoru navedenom u paragrafu 5.

5. Administracija Projekta

A. Koordinator

Ugovorni organ određuje Rifeta Džambegovića, glavnog inženjera u okviru projekta IFAD za Koordinatora. Koordinator će biti odgovoran za koordinaciju aktivnosti (usluga) prema ovom Ugovoru, za prihvaćanje i odobravanje izvještaja od strane Ugovornog organa i za primanje i odobravanje faktura za plaćanje.

B. Izvještaji

Izvještaji navedeni u Aneksu C, „Obaveze izvještavanja Pružaoca usluga“ bit će dostavljeni u skladu sa opisanim u Aneksu C i činit će osnovu za plaćanje, koje će se izvršiti u skladu sa paragrafom 3.

6. Standardi izvođenja

Pružalac usluga preuzima da obavi Usluge sa najvišim standardima profesionalne i etičke sposobnosti i poštenja. Pružalac usluga će odmah zamijeniti bilo kojeg uposlenika po ovom ugovoru, za kojeg Ugovorni organ ocijeni da je nezadovoljavajući.

7. Povjerljivost

Pružalac usluga neće, u roku trajanja ovog ugovora i u roku od dvije godine nakon njegova isteka, obznaniti ništa što je vlasnička ili povjerljiva informacija koja se odnosi na Usluge, ovaj Ugovor ili posao Ugovornog organa ili aktivnosti, bez prethodnog pismenog pristanka Ugovornog organa.

8. Vlasništvo materijala

Svi izvještaji ili drugi materijal, i ostalo, što je Pružalac usluga pripremio za Ugovornog organa po ovom Ugovoru pripadat će i ostati vlasništvo Ugovornog organa.

9. Pružalac usluga neće biti uključen u određene aktivnosti

Pružalac usluga se slaže da se, tokom roka trajanja ovog Ugovora i poslije njegovog završetka, Pružalac usluga i svako pravno-fizičko lice primljeno po ovom Ugovoru isključi iz nabavke roba, radova ili usluga (koji ne predstavljaju predmetnu Uslugu ni bilo kakav njen nastavak) za svaki projekt koji rezultira iz ili je tijesno povezan sa predmetnim Uslugama.

Pružalac usluga nema pravo zapošljavanja, u svrhu izvršenja ugovora o nabavci fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, 6 mjeseci po zaključenju Ugovora

10. Osiguranje

Pružalac usluga će biti odgovoran za svako zaključivanje odgovarajućeg osiguranja.

11. Viša sila

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile.

12. Zadatak

Pružalac usluga neće prenijeti ovaj Ugovor ili Podugovor niti ijedan njegov dio bez prethodnog pismenog pristanka Ugovornog organa.

13. Zakoni i Jezik Ugovora

Ugovor će podlijevati zakonima Federacije Bosne i Hercegovine i jezik Ugovora će biti bosanski.

14. Rješenje spora

Svaki spor koji proiziđe iz Ugovora, koji se između strana ne može riješiti sporazumno, za rješavanje će biti nadležan sud u Sarajevu.

Pružalac usluga
„EDI-ING“ d.o.o. Donji Vakuf



DIREKTOR

Fatima Karadža

Ugovorni organ
SERDA d.o.o. Sarajevo



DIREKTOR

dr. Ševkija Okerić

Datum: 30.09.2017

Broj: 30/109-K/1

Datum: 29.09.2017.

Broj: UG-123 /17

ANEKSI UGOVORA

Aneks A: Opis poslova i zadataka

Aneks B: Osoblje Pružaoca usluga

Aneks C: Obaveze Izvještavanja Pružaoca usluga

Aneks A: Opis poslova i zadataka

1. Usluge nadzora

Usluge nadzora se odnose na kontrolu izvođenja svih pozicija radova predviđenih Predmjerom radova koji je sastavni dio UGOVORA za radove br. RBDP/3/PCW-75/KU. Usluge nadzora nadgleda Ugovorni organ.

2. Djelokrug i obim zadatka

Usluge se odnose na Nadzor nad izvođenjem radova na projektu „**Izgradnja zelene tržnice**“ u općini Kupres, u skladu sa važećim Zakonom o gradnji Federacije Bosne i Hercegovine kao i ugovorom između Izvođača radova i Ugovornog organa. Navedenim ugovorom detaljno su navedena prava i obaveze nadzornog inženjera.

Nadzor je dužan:

- Provjeriti i utvrditi da li se radi u **skladu sa građevinskom dozvolom**, tehničkom dokumentacijom i Zakonom o gradnji,
- Provjeriti i utvrditi da li je kvalitet radova i ugrađenih proizvoda u skladu sa zahtjevima projekta, te da je kvalitet dokazan propisanim ispitivanjima i dokumentacijom,
- Utvrditi urednost izvođenja radova potpisivanjem građevinskog dnevnika, kontrolisanjem građevinske knjige i sve eventualne promijenjene okolnosti o tehničkoj dokumentaciji,
- Nadzor provoditi svakodnevno i ažurno u skladu sa dinamikom izvođenja radova,
- Koordinirati rad svih sudionika u građenju koji su u neposrednoj ugovornoj obavezi sa Ugovornim organom,
- Blagovremeno upoznati Ugovorni organ o svim manjkavostima odnosno nepravilnostima uočenim u toku građenja, te za svaku izmjenu ugovorenih stavki tražiti pismeno odobrenje Ugovornog organa,
- Odrediti način otklanjanja nedostataka, ukoliko se ukaže potreba, upisom u građevinski dnevnik i uz saglasnost Ugovornog organa,
- Održavanje ugovorenih rokova (utvrđivanje roka početka radova, praćenje odvijanja radova prema operativnom planu izvođača, te intervenisanja u slučaju odstupanja od plana).
- Realizovati ostale poslove prema zahtjevima posla.

Navedeni djelokrug i obim zadataka je indikativni. Nadzor je odgovoran za izvršenje usluga u cilju okončanja izgradnje/rekonstrukcije objekta, bez obzira da li su usluge precizno navedene.

3. Situacije, zahtjevi za izmjene i produženje vremenskog roka

Zahtjeve za izmjene (u tri primjerka) treba uraditi uvijek kada se pojavi izmjena projekta u smislu obima, vrste i mjesta radova.

Samo sa odobrenim zahtjevom za izmjene od strane Ugovornog organa može se uraditi bilo kakva izmjena u odnosu na ugovorene radove.

Nadzor verifikuje mjesečne situacije Izvođača u smislu istinitosti i tačnosti podataka po obimu i kvalitetu izvršenih radova.

Nadzor vrši ocjenu opravdanosti produženja vremenskog roka izvođenja i dostavlja svoje preporuke Ugovornom organu. Rok izgradnje može biti produžen samo uz odobrenje Ugovornog organa.

Bez obzira na gore navedeno, Nadzor osigurava da zahtjevi navedeni u ugovoru, a koji se odnose na izvođenje radova, budu striktno ispoštovani.

Aneks B: Osoblje Pružaoca usluga

1. mr. Edin Pašalić, dipl. ing. građ.
2. Enisa Pašalić, dipl. ing. građ.
3. Emin Bašić, dipl. ing. građ.
4. mr.sc. Sedin Pačavar, dipl. ing. el.

Aneks C: Obaveze Izvještavanja Pružaoca usluga

U skladu sa rokovima izgradnje objekta, Nadzor će SERDA-i dostaviti slijedeće pismene obavijesti i izvještaje:

- Obavijest o uvođenju Izvođača u posao;
- Izvještaj uz svaku podnesenu privremenu situaciju od strane Izvođača;
- Izvještaj uz podnesenu konačnu situaciju od strane Izvođača;
- Izvještaj o stanju projekta 30 dana prije isteka garantnog perioda za radove;
- Obavijest o okončanju radova.

Rok za dostavljanje Izvještaja je 3 (tri) dana po okončanju aktivnosti.